




# UKIUMOORTUMIK NALUNAARUSIAQ 2022



CVR nr.: 12 70 69 52

KISITSISIT PINGAARNERIT NAJOQQUTASSAT	3
SIULEQUT	4
AQUTSISUT NALUNAARUTAAT	5
KUKKUNERSUIUSUP ARLAANNAANNULLUUNNIIT	
ATASSUTEQANNGITSUP NALUNAARUTAA	6
AQUTSISUT NALUNAARUSIAAT	9
Ingerlatat pingaarnerit tunuliaqutaallu	9
Ingerlatat ineriartornerat aningaasaqarnermilu pissutsit	9
Suliniutit	9
Aningaasaliissutinut tunngaviit	10
Siulersuisuni aqutsisinilu allannguutit	10
Siulersuisut ataatsimiinneri	10
Inuiaqatigiinni akisussaaffiit	11
Ineriartornissamut ilimagisat	11
Ullup oqimaaqatigiissitsinerup kingorna pisut	11
NAATSORSUUSIORNERMI PERIUSEQ ATORNEQARTOQ	12
2022-IMI NAATSORSUUTITIGUT ANGUSAT NALUNAARSORNERAT	16
OQIMAAQATIGIISITSINEQ	17
2022 NAMMINEQ ANINGAASAATIT NALUNAARSORNERAT	19
NASSUIAATIT	20

<b>Ingerlatseqatigiiffik:</b>	Sikuki Nuuk Harbour A/S
	Postboks 4102
	Issortarfimmut 1
	3905 Nuussuaq
<b>CVR nr.:</b>	12 70 69 52
<b>Nunagisaq:</b>	Nuuk, Greenland
<b>Piginnittut:</b>	Government of Greenland owns 100% of the company
<b>Ukioq naatsorsuusiorfik:</b>	1.1.2022 - 31.12.2022
<b>Siulersuisut:</b>	Steen Smed Montgomery-Andersen, Chairman Haukur Óskarsson, Vice Chairman Heidi Ane-Marie Jakobsen Jeremiassen Ivalu Kleist Ujarak Rosing Petersen
<b>Qullersaqarfik:</b>	John Rasmussen
<b>Kukkunersuiusut:</b>	BDO Statsautoriseret Revisionsaktieselskab Imaneq 33, 7. etage 3900 Nuuk



# KISITSISIT PINGAARNERIT NAJOQQUTASSAT

DKK 1.000	2022	2021	2020	2019	2018
Ilanngaaseereerluni kaaviiartitat	63.052	59.902	57.489	55.237	53.008
Naliginnaasumik ingerlatsinermit angusat	31.121	29.431	25.911	25.586	26.521
Aningaasarsiornikkut inissitanit angusat	-13.795	-13.201	-14.201	-16.219	-17.825
Ukiumi angusat, akileraarutit sioqqullugit	17.326	16.230	11.710	9.367	8.696
Ukiumi angusat	12.994	12.201	8.607	7.632	5.930
Oqimaaqatigiissitsinerup katinnera	618.456	625.027	647.933	653.330	657.461
Sanaartukkanik pigisanut nalilinnut aningaasaliissutit	4.653	-16.180	119	646	7.030
Nammineq aningaasaatit	151.457	138.463	125.763	117.156	109.523
Taarsigassarsiat akisussaaffittallit	109.354	115.108	131.726	127.856	124.101
Ilunaaruteqarsinnaassuseq	5,0%	4,7%	4,0%	3,9%	4,0%
Nammineq aningaasaatit ernialersorneqarnerat	12,0%	12,3%	9,6%	8,3%	8,2%
Akiliisinnaassuseq	24,5%	22,2%	19,4%	17,9%	16,7%
Akiliisinnaassuseq, taarsigassarsiat taarsersugassat ilanngullugit	42,2%	40,6%	39,7%	37,5%	35,5%
Aqqusaartut annertussutsillu amerlassusaat					
Umiarsuit containerinik assartuisut aqqusaartut	168	164	172	141	161
Umiarsuit takornariartaatit aqqusaartut	44	0	0	36	34
Kilisaatit imarsiortut aqqusaartut	137	141	165	143	179
Isumaqaatigiissuteqarnikkut aqqusaartut, sinerissami qanittumi aalisariutit	19	21	23	23	25
Isumaqaatigiissuteqarnikkut aqqusaartut, allat	25	29	30	33	35
Aalisakkat qaleruallillu usingiakkat amerlassusaat (tonsi)	57.027	53.890	48.215	40.981	27.650
Ulloq oqimaaqatigiissitsiffik killiffigalugu piffissaq tamaat sulisut amerlassusaat	9	5	6	6	5
Taakkunanga ilinniartut	1	0	1	1	0

## KISITSISINUT PINGAARNERNUT ISUMASIUUTIT

<b>Ilunaaruteqarsinnaassuseq</b>	=	$\frac{\text{Aningaasarsiornermi inissitat sioqqullugit angusat} * 100}{\text{Pigisat nalillit katillugit}}$
<b>Nammineq aningaasaatit ernialersorneqarnerat</b>	=	$\frac{\text{Aningaasarsiornermi inissitat sioqqullugit angusat} * 100}{\text{Agguaqaatigiissillugu Nammineq aningaasaatit}}$
<b>Akiliisinnaassuseq</b>	=	$\frac{\text{Nammineq aningaasaatit} * 100}{\text{Pigisat nalillit katillugit}}$
<b>Akiliisinnaassuseq, taarsigassarsiat taarsersugassat ilanngullugit</b>	=	$\frac{(\text{Nammineq aningaasaatit} + \text{taarsigassarsiat taarsersugassat}) * 100}{\text{Pigisat nalillit katillugit}}$



## SIULEQUT

Sikuki Nuuk Harbour A/S-ip oqaluttuassartaani sivikitsumi ukioq 2022 kingumut ukiuvoq pisimasoqarfulluartoq.

Qeqertani containerinik tikerarfullunilu aallarartitsivik ukiuni tallimannngortorsiorpoq. Taanna august 2017-imi naammassineqarpoq ukiumilu tassani 22. september atoqqaartinneqarluni.

Nuummi umiarsualivik Kalaallit Nunaata atortorissaarusersorneqarnerani atuisunut amerlaqisunut pingaaruteqarlunnarpoq nunallu ineriartorneranut aalajangiisuullunnarluni. Sivisuumik atuussinnaasussaavoq umiarsualiveqarfillu paarilluarneqartariaqarluni, atuisut, sulisut avatangiisillu qanitai eqqarsaatigalugit. 2022-imi ISO-certifikatinik pingasunik pissarsisimalluni Sikuki patajaatumik toqqammaveqarluni ineriartoqqissaaq.

Nunarsuaq tamakkerlugu corona-mik tuniluunnersuaqareernerani 2022-imi umiarsuit takornariartaatit Nuup umiarsualivianut takkuteqqittalerput. Tuniluunnersuup kingorna inuppassuit tikilluaqqoqqissinnaalernerisa saniatigut aamma umiarsuit tikeqqittalerneru ukiumi naatsorsuutitigut pitsaasumik sunniuteqarpoq.

Sikuki 2022-mi aammaarluni ajoriinnagassaannngitsumik sinneqartooruteqarpoq. Sinneqartoorut atorneqassaaq Nuummi umiarsualiveqarfit kiffartuussinerillu ineriartorteqqinneqarnerinut piginnittut, atuisut Kalaallit Nunaannilu inuiaqatigiit naleqarnerusumik pigisaqalersillugit. Suleqatigisagut tamaasa peqatigalugit umiarsualiveqarfiup ineriartorteqqinneqarnissaanut qilanaarpugut.



Steen Smed  
Montgomery-Andersen,  
siulittaasoq



John Rasmussen,  
pisortaaneq



# AQUTSISUT NALUNAARUTAAT

Siulersuisut aamma pisortaanerup ulloq manna, Sikuki Nuuk Harbour A/S-ip ukiumut naatsorsuiffiusumut 01.01.2022-31.01.2022 ukiumoortumik nalunaarusiaq suliarisimavaat akueralugulu.

Ukiumoortumik nalunaarusiaq ukiumoortumik naatsorsuutit pillugit inatsit naapertorlugu saqqummiunneqarpoq.

Isumaqarpugut ukiumoortumik nalunaarusiaq suliffeqarfiup pigisanik aningaasaqarnikkullu inissisimaneranik 31.12.2022 killiffigalugu kiisalu suliffeqarfiup ukiumut naatsorsuiffiusumut 01.01.2022 - 31.12.2022 ingerlataanit angusanik eqqortumik takussutissiisoq.

Ukiumoortumik nalunaarusiaq ataatsimeersuarnermi akuersissutigeqqullugu inassutigineqarpoq.

Nuuk, ulloq 14 marts 2023

## **Qullersaqarfik**

John Rasmussen, CEO

## **Siulersuisut**

Steen Smed Montgomery-Andersen, Chairman

Haukur Óskarsson, Vice Chairman

Heidi Ane-Marie Jakobsen Jeremiassen

Ivalu Kleist

Ujarak Rosing Petersen

# KUKKUNERSIUISUP ARLAANNAANNULLUUNNIIT ATASSUTEQANNGITSUP NALUNAARUTAA

## Sikuki Nuuk Harbour a/s-imi piginnittunut

### Inerniliineq

Sikuki Nuuk Harbour A/S-imut ukiumut naatsorsuorsiorfusumut 01.01.2022 - 31.12.2022-imut ukiumoortumik naatsorsuutit, naatsorsuutitigut angusat nalunaarsorneranik, oqimaaqatigiissitsinermik, nammineq aningaasaatit nalunaarsorneranik, aningaasaatit kaaviiartitat nalunaarsorneranik aamma nassuiaatinik imalik kukkunersiorsimavarput. Ukiumoortumik naatsorsuutit, ukiumoortumik naatsorsuutit pillugit inatsit naapertorlugu suliarineqarput.

Isumaqarpugut ukiumoortumik nalunaarusiaq suliffeqarfiup pigisanik aningaasaqarnikkullu inissisimaneranik 31.12.2022 killiffigalugu kiisalu suliffeqarfiup ukiumut naatsorsuiffiusumut 01.01.2022 - 31.12.2022 ingerlataaniit angusanik eqqortumik takussutissiisq.

### Inerniliinermut tunngavigineqartooq

Kukkunersiuinerput ingerlassimavarput kukunersiuineq pillugu nunat assigiinngitsut akornanni maleruagassat aamma piumasaqaatit allat Kalaallit Nunaanni atuuttut naapertorlugit. Maleruagassat aamma piumasaqaatit taakku naapertorlugit uagut akisussaaffippot, kukkunersiuusut nalunaarutaanni immikkoortumi "Ukiumoortumik naatsorsuutit kukkunersiorneqarnerannut kukkunersiuusup akisussaaffia" sukumiinerusumik allaaserineqarput. Kukkunersiuusunut nunat assigiinngitsut akornanni ileqqorissaarnermut malittarisassat (IESBA-p ileqqorissaarnermut malittarisassai) aamma piumasaqaatit allat Danmarkimi atuuttut naapertorlugit ingerlatseqatigiiffimmut attuumassuteqanngilagut, soorlu aamma malittarisassat piumasaqaatillu naapertorlugit ileqqorissaarnermi pisussaaffigut allat eqqortissimagivut.

Isumaqarpugut kukkunersiuinermut uppenarsaat anguneqarsimasoq naammattoq aamma inerniliinitsinnut tunngavittut naleqquttoq.

### Aqutsisut ukiumoortumik naatsorsuutit akisussaaffiat

Aqutsisut, ukiumoortumik naatsorsuutit pillugu inatsit naapertorlugu, ukiumoortumik naatsorsuutit eqqortumik takutitsisut suliarineqarnissaat akisussaaffigaat. Taamatuttaaq aqutsisut ukiumoortumik naatsorsuutit annertuumik kukkusumik paasissutissartaqanngitsumik suliarineqarnissaannut, aqutsisut pisariaqarsorisat naapertorlugit nammineq suliamik nakkutilliinissaq akisussaaffigaat, tamanna peqquserlunnermit imaluunniit kukkunermit peqquteqaraluarpuunniit.

Ukiumoortumik naatsorsuutit suliarineqarneranni, aqutsisut akisussaaffigaat ingerlatseqatigiiffimmi ingerlatsinerup ingerlaannarnissamut pisinnaassusaa naliiiffigissallugu; ingerlatsinerup ingerlaannarnissaanut pissutsit paasissutissiisutigissallugit, tamanna naleqqukkangat; kiisalu ingerlatsinerup ingerlaannarnissaanut naatsorsuutit tunngaviusoq tunngavigalugu ukiumoortumik naatsorsuutit suliarissallugit, aqutsisut ingerlatseqatigiiffiup aningaasatigut ajutoorluni unitsinneqarnissaa, ingerlatsineq unitsissallugu siunertarinngippassuk imaluunniit taamaaliornissamit piviusumik allamik periarfissaqanngippat.

### Kukkunersiuusup ukiumoortumik naatsorsuutit kukkunersiuinermit akisussaaffia

Ukiumoortumik naatsorsuutit ataatsimut isigalugit pingaarutilinnik kukkusunik paasissutissiinninnissaat pillugu qaffasissumik



qularnaveeqqusiinissaq, taanna peqquserlunnernik imaluunniit kukkunernik peqquteqaraluarpuunniit, aamma kukkunersuisup nalunaarutaanik inerniliisumik saqqummiussinissaq anguniagaraarput. Qaffasissumik qularnaveeqqusiineq tassaavoq qularnaassuseq qaffasissoq, kisianni kukkunersuineq, nunat assigiingitsut akornanni kukkunersuineq pillugu malittarisassat piumasaqaatillu allat Kalaallit Nunaanni atuuttut naapertorlugit ingerlanneqartoq, pinerit tamaasa kukkusunik paasissutissanik pingaarutilinnik, taamaattoqartillugu, saqqummersitsisarnissaanut qularnaveeqqutaanngilaq. Kukkusumik paasissutissat peqquserlunnerit kukkunerilluunniit kingunerannik pilersinnaapput, pingaarutilittullu isigineqarsinnaallutik, naatsorsuutini atuisut ataasiakkaarlutik ataatsimoorlutilluunniit ukiumoortumik naatsorsuutit tunngavigalugit aningaasaqarnikkut aalajangiinernut sunniuteqartut naatsorsuutigineqarsinnaappat.

Kukkunersuinermit nunat assigiingitsut akornanni kukkunersuineq pillugu malittarisassat piumasaqaatillu allat Kalaallit Nunaanni atuuttut naapertorlugit ingerlanneqartumut ilanngullugu, suliamut tunngasumik naliliisarpugut aamma kukkunersuinitinni ilisimasalittut qularneq atatiinnartarparput.

Taakkua saniatigut:

- Ukiumoortumik naatsorsuutini pingaarutilinnik kukkusumik paasissutissanut aarlerinartunik suususiillutalu naliliivugut, taakkua peqquserlunnernik imaluunniit kukkunernik peqquteqarnerisut apeqqutaatinnagu, aarlerinarsinnaasunut taakkununga qisuariamertut kukkunersuilluni suliat
- ilusilersortarpagut ingerlattarlugillu, kiisalu kukkunersuinermit uppersarsaat, inerniliinitsinnut tunngavissatut naammattoq naleqquttorlu angusarlugu. Annertuumik kukkusumik paasissutissat peqquserlunnermit peqquteqartut, annertuumik kukkusumik paasissutissanit kukkunermit peqquteqartunit nassaaringitsoornissaannut aarlerinartuq qaffasinneruvoq, pissutigalugu peqquserlunnerit peqatigiinniapi-lunnernik, peqquserlulluni allagaasiornermik, piaaraluni ilanngussinnginnernik, salloqitaanernik imaluunniit suliffeqarfiup iluani nakkutilliinernik sumiginnaanernik ilaqarsinnaammata.
- Kukkunersuinermit iliuusissat pissutsinut naleqquttut ilusilersornissaannut ingerlatseqatigiiffiup iluani nakkutilliinermik kukkunersuinermit attuumassuteqartumik ilisimasaqalerpugut, imaanngitsoq ingerlatseqatigiiffiup iluani nakkutilliinerup sunniuteqarluarnissaa pillugu inerniliinialuta.
- Aqutsisunit naatsorsuinermit periaaseq atorneqartoq, naleqquttuunersoq, kiisalu aqutsisut naatsorsuuisiornermit missingersuutaata tassungalu paasissutissat attuumassuteqartut, aqutsisut suliarisimasaat naleqqunnersut isummerpugut.
- Ingerlatsinerup ingerlaannarnissaa pillugu naatsorsuutinit tunngavisoq tunngavigalugu, aqutsisut ukiumoortumik naatsorsuutini suliarinninnerat naleqquttuunersoq, kiisalu ingerlatseqatigiiffiup ingerlatiinnarnissaanut pingaarutilimmik nalorninartuqalersitsisumik, pisimasunut imaluunniit pissutsinut attuumassuteqartumik kukkunersuinermit



uppernarsaat anguneqarsimasooq tunngavigalugu. Annertuumik nalorninartoqartoq inerniliigutta, taava kukkunerisuiusut nalunaarutaanni erseqqissaatigissavarput tamanna pillugu paasissutissat, ukiumoortumik naatsorsuutini imaluunniit paasissutissat taamaattut naammanngippata, inerniliinerput naleqqussassavarput. Inerniliinigut kukkunerisuiinermi uppernarsaammik tunngaveqarput, taanna kukkunerisuiinermi nalunaarutitta ullulerneqarnissaa tikillugu anguneqarsimavoq. Taamaattoq siunissamut pisussat imaluunniit pissutsit kinguneqarsinnaapput ingerlatseqatigiiffiup ingerlatsisinnaajunnaarnerinik.

- Ukiumoortumik naatsorsuummik ataatsimut saqqummiineq, ilusaa imarisaalu, nassuiaatinik paasissutissat ilanngullugit, kiisalu ukiumoortumik naatsorsuutit itinerusumi nuussinernik pisimasunillu, eqqortumik takussutissiisut isummerpugut.

Aqutsisut quillersaasut atassuteqarfigaagut ilaatigut suliap pilersaarutigineqartumik annertussusaa aamma kukkunerisuiinerup piffissami inissisimanera, kiisalu kukkunerisuiinermi paasisat pingaarutillit, ilagalugit ingerlatseqatigiiffiup iluani nakkutilliinerit annertuumik amigaataasut, taamaattoqassappat kukkunerisuiinitsinni suussuserisimasagut pillugit.

#### **Aqutsisut nalunaarusiaat pillugu oqaaseqaat**

Aqutsisut nalunaarusiaat aqutsisut akisussaaffigaat.

Ukiumoortumik naatsorsuutit pillugit inerniliinitsinni aqutsisut nalunaarusiaat ilanngunneqanngilaq, aamma aqutsisut nalunaarusiaat pillugu arlaatigulluunniit inerniliinngilagut.

Ukiumoortumik naatsorsuutininik kukkunerisuiinitsinnut atatillugu, aqutsisut nalunaarusiaata atuarnissaa akisussaaffigaarput tassungalu atatillugu, aqutsisut nalunaarusiaat ukiumoortumik naatsorsuutininut naleqqiullugu annertuumik naapertuutinnnginnerisooq

kukkunerisuiinitsinni ilisimalersimasatsinnut imaluunniit allatut annertuumik kukkusumik paasissutissanik imaqarnerisooq isumaliutigissallugu.

Taakkua saniatigut, aqutsisut nalunaarusiaat ukiumoortumik naatsorsuutit pillugit inatsimmut naleqqiullugu paasissutissanik piumasaaqaatigineqartuninik imaqarnerisooq isumaliutigissallugu akisussaaffigaarput.

Suliat ingerlanneqarsimasut tunngavigalugit isumaqarpugut, aqutsisut nalunaarusiaat ukiumoortumik naatsorsuutininut naleqqiunneqarsinnaasooq aamma ukiumoortumik naatsorsuutit pillugit inatsimmi piumasaaqaatit naapertorlugit suliarineqarsimasooq. Aqutsisut nalunaarusiaanni kukkusumik paasissutissanik pingaarutilinnik nassaarsimanngilagut.

#### **Nuuk, ulloq 14 marts 2023**

BDO Statsautoriseret Revisionsaktieselskab  
CVR: 20222670

**Claus Bech**  
Statsautoriseret revisor

MNE-nr.: 31453





# AQUTSISUT NALUNAARUSIAAT

## Ingerlatat pingaernerit tunuliaqutaallu

2022 tassaavoq Sikuki Nuuk Harbour A/S-mut ukioq naatsorsuiffiup arfineq sisamaat.

Sikukip umiarsualiveqarfit tamaasa pingaernerit tamaasa pigisarai aamma Nuummi umiarsualivinni pisortaavoq. Sikuki niuernikkut imminut akilersinnaasumik umiarsualivinnik ingerlatseqatigiiffiuvoq, tassani atuisut akiliutaat, inissiisarfinnik attartortitsineq sullissinernillu tunisaqarneq ataatsimut tassaapput ingerlatseqatigiiffiup isertitaanut tunngaviusut, ilaatigut aserfallatsaaliuinnermut, ingerlatsinnermut eqqagassanillu isumaginninnermut atorneqartussat.

Umiarsualivik inissiisarfiuteqarpoq, suliffeqarfinnut ingerlatanut, toqqorsinnermut aamma ineriartortitsinnermut inissamik pisariaqartitsisunut attartortinneqartartunik. Umiarsualivitoqaq pingaarnertut kilisaatinut, tunisinernut, takornariaqarnermut aamma Issittumi Sakkutooqarfik-mut qitiuvoq.

Royal Arctic Line, tassaasoq ingerlatseqatigiiffiup sullitaasa annersaat, Qeqertanut inissisimasumi containerit aallarartinneqartarfiat tikiunneqartarfiattu nutaq attartorpaat tassunga ilanngullugit illuliat kranillu. Umiarsuit containerinik usisaatit umiarsuillu nunaqarfiliartaatit usii, pilersuinnermut atasuuppata avammulluunniit nioqqutissianik nassiussuinneruppata Umiarsuaatileqatigiiffiup tamaani isumagisarpai.

August 2022-imi ukiut tallimangorput Qeqertani containerersorluni terminali atuutilerneraniit. Atulerneranit ukiut tallimat qaangiunneranni sukumiisumik nakkutilliisoqareernerani Sikuki-p Per Aarsleff A/S-illu akornanni isumaqatigiissutigineqarpoq sanaartormerki kukkussutaasimasut amigaataasimasullu iluarsineqassasut naammassineqarsimassasullu 2023-ip aallartisimalernerani. Ukiut tallimat qaangiunneranni nakkutilliisoqareernerata kingorna isumaginnittussaaneramik pisussaaffiit arlallit Per Aarsleff A/S-imit Sikukip tiguai.

### Ingerlatat ineriartornerat aningaasaqarnermilu pissutsit

Ingerlatseqatigiiffik ukiup naatsorsuiffiusup arfineq sisamassaanni, akileraarutit sioqqullugit DKK 17,3 mio.-nik akileraarutillu kingorna DKK 13,0 mio.-nik sinneqartooteqarpoq. 2021-imi naatsorsuutitigut angusat akileraarutit sioqqullugit DKK 16,2 mio.-iusimapput akileraarutillu kingorna DKK 12,7 mio.-iusimallutik. Siulersuisut naatsorsuutitigut angusat naammagisimaarpaat.

2016-imiit Nuup umiarsualiveqarfiini Sikuki atuisunik akiliisitsisalernikuuvoq. Ingerlatsinnermut aserfallatsaaliugassatigullu kinguaattoorutaasunik angummassiniernermut atuisut akiliutaat atorneqartarput ingerlatsinnermi aningaasaqarnerup nukittorsarneranut siunissami inerisaanissamut

tunngavileeqaallutik. Aserfallatsaaliugassanik kinguaattoorutaasut iluarsiniarnerini suliat ilaatigut makkuusimapput, umiarsualiviit qaavisa taarsersorneri, umiarsualiviit sananeqaataasa iluarsaanerini nukittorsarnerilu, kaattaassinnerit, sioqqanik ujaraaqanillu immikkat avammut aniasimasut taarsersorneri, isumannaallisaaanermi atortuutit Sissiukkamilu talittarfiup sinaakkutaa.

Ukiunut 2020 aamma 2021-inut sanilliullugu ukiumi 2022-imi kaaviaartitani umiarsuit takornariartaatit kingumut tikeqqittalernerini sunniuteqarput, soorlu aamma kilisaatit usingiartartut suliaasaqartitsineruleriartuinnarsimasut.

Naalakkersuisut suleqatigalugit atuisut akiliutaat sinerissap qanittuani aalisartut eqqarsaatigalugit appartinneqarpoq juli 2022-imiit, tamatumani pissutaalluni sinerissap qanittuani aalisarnermi tulaassuinnermi akit ukiuni kingullerni arlaqalersuni appariartorsimanerat. Angallammut akiliut affaannangortinneqarpoq tulaassallu immikkut akiliuteqarunnaarsinneqarlutik.

### Suliniutit

Sikuki 2022-imi ISO certifikatinik pingasunik, tassa ISO 9001, 14001 aamma 45001-inik pissarsivoq, aqutsilluarnermut, avatangiisinut suliffimmilu avatangiisit tungaasigut aqutsilluarnermut tunngasuusunik. Ingerlatseqatigiiffiup nammineq ilumini



aqutseriaatsimimi isumagisarpai pitsaassutsimik qulakkeerinnineq, sanioqqutsisoqarnerinik nalunaarusiornerit pitsanngoriartitsinerillu, atortussanik pisiniarfigisartakkanik nalilersuinerit kiisalu navialiffiusinnaasunik nalilersuinerit, eqqarsaatigalugit sillimaniarneq, isumannaallisaaneq, avatangiiisit suliffimmilu avatangiiisit.

Imaq Pilot suleqatigalugu Sikuki junip qaammataani umiarsuit takornariartaatit tikeralinnginnerini umiarsuarnik takornariartaatinik sullissisuni marlunni sulisut 25-it miss. ataatsimeeqatigisimavai ilisimatillugit umiarsuit takornariartaatit talilernerini pituttuisarneq pillugu.

Sikuki Kommuneqarfik Sermersooq peqatigalugu Nuummi Tidevandstrappe eqqaanni container-imik illuaqqjamik inisiisimapput, ikaartaatinut ilaaniarlutik utaqqisut oqqiffigisinnaasaat kiassagaallunilu sarfalersugaasumik.

Septemberimi Sikuki Greenland Oil Spill Response A/S-p siulersuisuinik ingerlatsineq allaffissornerlu pillugit isumaqatigiissuteqarpoq, suliffeqarfimmi suliassat ingerlateqqinneqarnissaat siunertaralugu.

COWI suleqatigalugu Sikukip aallartissimavaa Qeqertaq Avallermi umiarsualiviup allilerneqarsinnaaneranut atatillugu aallaqqaasiutigalugit misissuinerit, misissuinerit arlallit allilerisinnaaneranut aalajangiinissamut tunngavissat suliarilluakkat

pisarsiarinissaannut atussallutik. Aallaqqaasiutigalugit misissuinerit tamakku ilaattut 2022-ip naalernerani umiarsualivimmuut attuumassuteqartuni apersuinerinik ingerlatsisoqarsimavoq.

Kalaallit Nunaanni nunanilu allani umiarsuit umiarsualivinni talinnganerminni aniatitsisarneri eqqumaffigineqarnerulersimavoq, Ullumikkut umiarsualivimmi 40-nik nunamut sarfamut ikkussiffissaqarpoq, kisianni taamaallaat umiarsuarnut mikinerusunut sarfamik atuinikitsunut.

Anguniagaalluinnarpoq umiarsuarnut anginerunut sarfamik pilersuisinnaalernissaq, tamanna periarfissanngoriarpat Kangerluarsunnguami erngup nukinganic innaallagissiorfik annertusineqariarpat. Tamatuma tungaanut Sikuki periarfissanik allanik misissuissaq, soorlu ikkussiffiusinnaasunik nuunneqarsinnaasunik ilaatigut umiarsualivinni anginerusuni Islandimi Danmarkimilu atorneqartut assigi eqqarsaatigalugit.

Sikukip allaffeqarfimi Issortarfik 1-imut nuukkallarsimavaa allaffik umiarsualivimmiittoq oqoqalersimammat.

2022-ip naanerani ingerlatseqatigiiffup qullersaqarfia ukunannga inuttaqarpoq, pisortaneq, aningaasaqarnermut pisortaq, teknik-imut immikkoortami sulisut pingasut, umiarsualiviup allaffiani sulisut pingasut ilinniartoq juni-mi Akademiuddannelse-mi

Nunat tamalaat akornanni assartugassalerineq ataqtigiiisaarinerlu (AU-ITL) pillugit ilinniartoq.

### **Aningaasaliissutinut tunngaviit**

Namminersorlutik Oqartussat Sikukimut aningaasaatinut tunngavissat katillugit 100 mio. kr.-nik aningaasaliissuteqarsimapput, nammineq aningaasaatit 70 mio. kr.-it aningaasanngorlugit akiliutitut kiisalu umiarsualiveqarfii pioreersut 30 mio. kr.-nik nalillit atorlugit aningaasaliissutitut.

Taakkua saniatigut Namminersorlutik Oqartussat 2015-imi taarsigassarsianik kingulliullugit akilgassanic 110 mio. kr.-nik taarsigassarsisitsimavoq. Taarsigassarsiat ukiut 26,5 ingerlanerini akilerniagassaapput.

Aammattaq Sikuki 2015-imi avataani aningaasaliissutinik 59 mio. EUR-inik, tassa 440 mio. kr.-nik nalilinnik, taarsigassarsisimavoq. Taarsigassarsiat ukiut 21,5 ingerlanerini akilerniagassaapput.

### **Siulersuisuni aqutsisunilu allannguutit**

9. maj 2022 ataatsimeersuarnermi Steen Montgomery-Andersen siulersuisuni siulittaasunngorpoq taarserlugu Lars Karlsson ingerlatseqatigiiffup pilersinneqarneraniilli siulittaasuusimasooq. Taamatuttaaq tikilluaqquneqarpoq Ujarak Rosing Petersen Siulersuisut inissitsiterneranni Haukur òskarsson siulittaasup tulliatut qinigaaqqippooq.

### **Siulersuisut ataatsimiinneri**

2022-imi siulersuisut arfinileriarlutik ataatsimiissimapput.



### Inuiaqatigiinni akisussaaffiit

Isumannaarineaq, isumannaallisaaneq peqqinnissarlu Sikukimut ukkatassaapput pingaarutillit, aamma umiarsualiveqarfiit sinnerisa isumannaarneqarnissaat isumannaallisarneqarnissaallu pillugu suliat salliutinneqarput. Sikuki Nuummilu umiarsualivik Kalaallit Nunaanni ataqatigiinnermut aaqqissuussinerni naapiffiupput aamma nunap ataatsimut atassuserneqarneranut nunallu avammut atassuteqarneranut pingaaruteqarput.

Aqutsilluarnissaq, avatangiisit suliffimmilu avatangiisit pillugit aqutsilluarnissamut atatillugu ISO certificering-inik pissarsereermermi maanna sulii periarfissaqarnerulerpoq suliffeqarfimmi isummersuutit aamma CSR politikkip timalalersornissaat. Taamatuttaaq aamma aqutsilluarnissaq siunertaralugu suleriutsit atornerqartut najoqqutaralugit suliniutit malitsigisaat uppersarsaasersorneqarnerusinnaalerput.

Suliffeqarfimmut soqutigisaqartut suleqatigisallu tamakkunatigut qulakkiissavaat piumasaqaatit aalajangersimasut Sikuki-mit malinneqarnersut. ISO 9001 najoqqutaralugu nunarsuarmi tamarmi assigiissaartumik aqutsilluartoqarneranik sullitap nalussanngilaa umiarsualivimmi assigiissaartumik pitsaassusilimmik sullinneqarnissi.

ISO 14001 tassa avatangiisit mingutsitsaaliorlugit aqutseriaaseqarneq atorlugu Sikuki akisussaqaataanermigut

avatangiisit mingutsitsaalioqataaffigissavaa, certificeringilu taanna sakkugalugu avatangiisit tungaasigut aqutseriusissat pilersaarusiorlugit, ingerlallugit nalilersoqqittarlugillu ingerlatissallugit.

ISO 45001 sakkugalugu sullivimmi avatangiisit ukkanneqarnissaat qulakkeerneqassaaq, pitsanngorsaait ingerlaavartumik isumagineqassallutik, taamaaliornikkut sullivimmi ajutoorsinnaanerit pingitsoortissinnaajumallugit sulisullu nungullarsarnaveersaartissallugit.

Sikukimi Naalagaaffiit Peqatigiit nunarsuarmi piujuartitsisumi ineriartornermut anguniagaat suliaaagut, nunarsuarmi anguniakkat tallimat ukkataralugit. Ingerlatseqatigiiffiup pingaarnertut inuiaqatigiinni akisussaaffinnut politikkaa tamakkerlugu sikuki.gl-imi pissarsiarineqarsinnaavoq.

### Ineriartornissamut ilimagisat

Sikuki aningaasarsiornermi piumasaqaataasut najoqqutaralugit ingerlanneqarpoq. Ingerlatseqatigiiffiup isertitai inissiisarfinnik, illulianik kraninillu attartortitsinermit kiisalu umiarsuarnut nioqqutissanullu atuisut akiliutaannit ilaqarput. 1. januar 2023 atuutilersumik umiarsuarni takornariartaatini ilaasumut akitsuut atuutilerpoq.

Greenland Oil Spill Response A/S-ip atorunnaarsikkiartuaarneqarneranut atatillugu (solvent likvidation) 1. januar 2023 aallartittumik sulisoq ataaseq Sikukimi sulilersinneqarpoq, kiisalu uuliamik mingutsitsisoqarnerani akiuiniarluni

atortuutit assigiinngitsut ilanngullugit. Issittumi Sakkutooqarfik peqatigalugu Sikukp siunissami aserfallatsaaliuineq, peqqumaasersuivimmiititsineq atortunillu atuinnissaq isumagissavaa.

Sikukip naatsorsuutigivaa 2023-ip ingerlanerani Qeqertaq Avallermi umiarsualivimmi allilerinerup aallartinnissaanut aalajangernissamut tunngavissaq pissarsiarineqarumaartoq, qilanaaralugulu piginnittut, atuisut suleqatigisallu peqatigalugit Kalaallit Nunaanni umiarsualiveqarnerup tungaatigut ineriartortitsinermi suleqatigiilluartoqarnissaa.

Aalisarnerup, takornariaqarnerup, aatsitassat aamma nunami inuusutissarsiorlut imarsiornermut attuumassuteqartut iluanni inuusutissarsiornerup ineriartornissaannut tapersersuinermit umiarsualivinni ataqatigiissumik aaqqissuussinerit ingerlalluartut pingaaruteqarluinnarput. Tamatumani pitsanngoriaatit alloriarnerillu mikisunnguit aamma umiarsualivinnik ineriartortitsinermi iliuusissiat anginerusut ilaapput.

Sikukip naatsorsuutigivaa 2023-imi naatsorsuutitigut sinneqartoornissi, 2022- imut sanilliullugu appasinnerulaartunik.

### Ullup oqimaatigiissitsinerup kingorna

Ullormi oqimaatigiissitsinerup suliarineqarfianit maannamut pissutsinik ukiumoortumik nalunaarusiamik naliliinermit allannguisinnaasunik takkuttoqanngilaq.



## NAATSORSUUSIORNERMI PERIUSEQ ATORNEQARTOQ

### NAATSORSUUTINUT IMMikkoortoQ

Ukiuootumik nalunaarusiaq, ukiuootumik naatsorsuutit pillugit inatsimmi naatsorsuutitut suliffeqarfinnut immikkoortoq B-mi aalajangersakkat

aamma naatsorsuutitut immikkoortoq C-mi aalajangersakkat ataasiakkaat qinerneqarsimasat naapertorlugit saqqummiunneqarpoq.

Ukiuootumik nalunaarusiaq naatsorsuusiormi periuseq siorna atorneqartoq assigalugu saqqummiunneqarpoq.

### NAATSORSUUTINUT ILANNGUSSISARNEQ AAMMA NALILISARNEQ ATAATSIMUT ISIGALUGU

Pigisat nalillit oqimaaqatigiissisinnermut ilanngunneqartarput, siusinnerusukkat pisimasut kingunerannik ilimagineqarsinnaappat, siunissami aningaasaqarnikkut ingerlatseqatigiiffimmut iluaqutaasinnaaneri aamma pigisat nalillit nalingi tatiginartumik nalilerneqarsinnaappata.

Akiligassanut oqimaaqatigiissisinnermut ilanngunneqartarput, ingerlatseqatigiiffik siusinnerusukkat pisimasut kingunerannik inatsisitigoortumik imaluunniit piviusut tunngavigalugit pisussaaffilerneqarsimappat aamma ilimagineqarsinnaappat, siunissami aningaasaqarnikkut ingerlatseqatigiiffimmut annaasaqaataasinnaaneri aamma pigisat nalillit nalingi tatiginartumik nalilerneqarsinnaappata.

Ilanngussinnermi siullermi pigisat nalillit aamma pisussaaffiit nioqqutissap akerpiaa tunngavigalugit nalilerneqartarput. Ilanngussinnerup siullermi naliliinerit kingornatigut naliliinerit naatsorsuutini kisitsisit ataasiakkaat pillugit nassuiaatini matuma ataaniittumi allaaserineqartutut suliarineqartarput.

Ilanngussinnermi aamma naliliineri nalorninartorsiorfusinnaasut aamma annaasaqaatit, ukiuootumik nalunaarusiap saqqummiutinnginnerani siumut takorloorneqarsinnaagaangata, aamma ullormi oqimaaqatigiissisinnerup suliarineqarfiani pissutsit taamaannerat imaluunniit eqqortuunnginnerat uppersarsissappassuk ilanngullugit

eqqarsaatigineqartarput.

Naatsorsuutitigut angusat inernerannut iserititat isertinneqarnerat malillugu ilanngunneqartarput, massa aningaasartuutit aningaasat amerlassusiat ukiuootumik naatsorsuutitut attuumassuteqartut tunngavigalugit ilanngunneqartarput.

Nunat allat aningaasaasa nalinga tunngavigalugu nuussinerit siullermik ilanngunneqarneranni ullormi nuussiffusumi nalingi tunngavigalugit naatsorsueqqittoqartarpoq. Nunat allat aningaasaasa nalinga tunngavigalugu pisassareriikkat, taarsigassarsianit akiitsut aamma aalajangersimasumik nalilerlugit inisitat ullormi oqimaaqatigiissitsiffusumi akilerneqarsimannigitsut, ullormi oqimaaqatigiissitsiffusumi nunat allat aningaasaasa nalinginut naatsorsueqqittoqartarpoq. Nunat allat aningaasaasa nalingisa nikingassutaat piviusunngortinneqarsimasut aamma piviusunngortinneqarsimannigitsut ullormi nuussiffusumi naligititaasup aamma ullormi akiliuteqarfusumi nalinga, tassa ullormi oqimaaqatigiissitsiffusumi naligititaasup assigiinnerisigut pilersut naatsorsuutitigut angusat inernerannut aningaasalersuinnermi inissitanut ilanngunneqartarput.

### NAATSORSUUTITIGUT ANGUSAT NALUNAARSORNERAT ILANNGAASEEREERLUNI KAAVIAARTITAT

Sullissinerit pillugit iserititat, tassaasut umiarsuarnut aamma nioqqutissanut, nassiussanik toqqorsineq, inissiisarfinnik attartortitsineq il. il. atuisunit akiliutinik ilaqartut, tulleriiarlugit sullissinnermi suliarineqarneri malillugit ilanngunneqartarput.

Nioqqutissanik il. il. tunisanit iserititat naatsorsuutitigut angusat nalunaarsorneqarneranut ilanngunneqartarput, pisumut tunisineq nalorninartorlu pisumut nuusimaleraangat aamma isertitaq tatiginartumik naatsorsorneqarsinnaappat tigunissaalu ilimagineqarpat.

Ilanngaaseereerluni kaaviiartitsineq nalilerneqartarpoq akiliutip isumaqatigiissutigineqarsimasup ullormi nalinganut allat sinnerlugit akitsuutit akileqquneqartut ilanngunngagit.



### Aningaasartuutit allat avataaneersut

Aningaasartuutit allanut avataaneersunut ilaapput aningaasartuutit, ingerlatseqatigiiffiup ingerlataanut pingaarnernut attuumassuteqartut, ilagalugit ininut aningaasartuutit, allaffissornermut aningaasartuutit, nioqquteqarnermik pilerisaarnermut aningaasartuutit il. il.. Nalunaarsuutit aammattaaq ilaapput pissareriikkanik appartitsinerit kaaviaartitsinermit naliliutit ataanni ilanngunneqartartut.

### Sulisogarnermi aningaasartuutit

Sulisogarnermi aningaasartuutit ilaapput akissarsiat aamma akissaatit, feeriaqarnermut aamma soraarnerussutisiat kiisalu ingerlatseqatigiiffiup sulisuutit inooqatigiinnut il. il. sillimasiinernut aningaasartuutit allat.

### Nalikilliliinerit aamma appartitsinerit

Sanaartukkanik pigisanik nalilinnik nalikilliliinerit aamma appartitsinerit tassaapput ukiumi naatsorsuiffiusumi nalikilliliinerit aamma appartitsinerit, taakku pigisanut nalilinnut ataasiakkaanut naligitat sinneruttut aamma atorneqarnerini piffissat aalajangiunneqarsimasut, aamma nalikilliliinerit misiliinerit naammassineqarsimasut aamma sanaartukkanik pigisanik nalilinnik tunisinermi nalinginit iluanaarutit aamma annaasaqaatit, taama tulleriillutik, aallaavigalugit naatsorsorneqarsimapput.

### Aningaasarsiornermi isertitat

Aningaasarsiornermi isertitat tassaapput erniat aningaasallu nalogisa allangorneri.

### Aningaasarsiornermi aningaasartuutit

Aningaasarsiornermi aningaasartuutit tassaapput ernianut aningaasartuutit aamma aningaasat nalogisa allangorneri.

### Akileraarutit

Ukiumut akileraarutit tassaasut ukiumi tassani akileraarutit aamma akileraarutit kinguartitat allannguutaat, naatsorsuutitigut angusat inernerannut ilanngunneqartartut, taakku ilaat ukiumi pineqartumi naatsorsuutitigut angusanut attuumassuteqarsinnaasut, kiisalu toqqaannartumik namminerisamik aningaasaatinut, tassa taakku ilaat namminerisamik aningaasaatinut allanneqartunut attuumassuteqartinneqarsinnaasut.

### OQIMAAQATIGIISITSINEQ

#### Sanaartukkat pigisat nalillit tigussaasut

Illuliat, umiarsualiviit kiisalu sanaartukkat allat, ingerlatsinermit atortut aamma pequtit, nioqqutissap akerpiaanut nalilernerqartartut, taakkunannga ilanngaaticineqartartut nalikilliliinerit nalinillu appartitsinerit.


Nioqqutissap akerpiaanut ilaapput pisiarineranni akii, aningaasartuutit pisiarineranut toqqaannartumik attuumassuteqartut aamma pigisat nalillip piareersarneranut aningaasartuutit, tassa pigisat nalillip atorneqarnissaminut piareernissaata tungaanut.

Nalikilliliinerit tunngaviuvoq nioqqutissap akerpiaa ilanngaaticineqartut piffissaq atorneqarnera naappat nalingatut sinneruttussatut naatsorsuutigisaq. Nalikilliliinerit pisarput nalillit piffissami atuuffissaat piffissallu sinnerani naligi tunngavigalugit:

	Attartus- susia	Nali sin- neruttoq
Illuliat	25 ukiut	30%
Umiarsualivimmi sanaartukkat	40 ukiut	0 - 30%
Sanaartukkat allat, ingerlatsinermit atortut pequtillu	2-20 ukiut	0%

Toqqaannangitsumik aningaasartuutit toqqaannangitsumik aningaasartuutit nuunneqarsinnaasut, pisinermit atorneqarsimasut, kostpris tunngavigalugu ilanngunneqassapput pissarsiarineranni piffissaq ingerlareersoq missingiutigalugu.

Ernianut aningaasartuutit aamma allamiut aningaasaataasa iluarsiiviginerat attartukkanik aningaasalersuinermit sanaartukkanut atortussat pissarsiarineranni akii ilanngunneqassapput, piffissap sanaartorerinut tunngassuteqartat. Aningaasalersuinermit aningaasartuutit allat tamarmik angusat naatsorsorneqarnerannut ilanngunneqassapput.



Sanaartukkani atortussat nalikillilernerqassaput atoqqinneranni nalinginut, tamanna naatsorsuutini nalingannik appasinneruppat.

#### **Pissamaatit**

Pissamaatit akigisassaasut nalinganut nalilernerqartarput, tassunga nalikilliliissutit annaasaqarsinnaanermut sillimmataasussat ilanngaaticigineqartarput.

#### **Akileraarutit kinguartitat**

Akileraarutit kinguartitat nalilernerqartarput oqimaaqatigiissitsinermi akiitsunut periaaseq malillugu, tassa naatsorsuutitigut aamma akileraarutitigut pigisat nalillit aamma pisussaaffiit nalingisa assigiinnigissutaagallartut tunngavigalugit, pigisat nalillit atorneqarnissaannut pilersaarutigineqartoq aamma pisussaaffimmik akilersuineq tunngavigalugit.

Akileraarutinit pigisat nalillit kinguartitat, ilagalugit akileraarutit nalinga siumoortumik akileraarutitigut amigartoorutissatut naatsorsorneqarsinnaasutut akuerisaasut, nalinganut nalilernerqartarput, tassunga ilanngullugu pigisap nalillip piviusunnigortinneqarnissaanut naatsorsuutigisamik, siunissami isertitassanit akileraarutitigut oqimaaqatigiissaarinikkut imaluunniit akileraarutitigut pisussaaffinnik kinguartitanik ilanngaaseereernikkut. Ilangaaseereerluni akileraarutitigut pigisat nalillit kinguartitat, taamaattoqassaput, ilanngaaseereerluni tunisinermi nalinganut nalilernerqartarput.

#### **Aningaasat tigoriaannaat**

Aningaasanut tigoriaannarnut ilaapput aningaasat uninngasuutigineqartut aamma aningaasat aningaaserivinniititat, ilagalugit toqqortat aamma sillimmatitut kontut.

#### **Akiitsunut pisussaaffiit**

Aningaasarsiornikkut pisussaaffiit taarsigassarsinermi tigusassanut ilanngunneqartarput taarsigassarsinermi aningaasartuutigineqarsimasut ilanngaaticigalugit. Piffissani tulliuttuni aningaasarsiornikkut pisussaaffiit nalilernerqartarput aningaasanngorlugu nalingata assinganut.

Taarsigassarsiat sivisuumik akilersugassat aningaasanngorlugit nalingisa assinganut nalilernerqartarput, taassani akiitsut sinneri taarsigassarsinermi ulloq taanna akiitsut aningaasanngorlugit nalingi assigalugit naatsorsorneqartarput, taarsigassarsinermi ulloq taanna taarsigassarsiat aningaasat nalinginut naleqqussaaneermi, naafferarlugit akiitsunik aalajangersimasumik pisartumik taarsersuinermik naleqqussarneqartarput.

Akiitsunut pisussaaffiit allat, pisiortorfinnut akiitsunik kiisalu akiitsunik allanik ilaqartut, aningaasanngorlugit nalingisa assinganut nalilernerqartarput, taakkulu nalinginnaasumik akigisassaata nalingi assigisarpaat.



# 2022-IMI NAATSORSUUTITIGUT ANGUSAT NALUNAARSORNERAT

Naatsorsuutitigut angusat nalunaarsornerat		2022	2021
DKK			
Nassuiaat			
	Ilanngaaseereerluni kaaviiartitat	63.051.848	59.901.589
	Aningaasartuutit allat avataaneersut	-8.473.078	-9.699.230
	<b>Aningaasartuutit ilanngaatigalugit angusat</b>	<b>54.578.770</b>	<b>50.202.359</b>
1	Sulisunut aningaasartuutit	-6.141.141	-5.727.541
2	Nalikkilliliinerit nalinillu appartitsinerit	-17.316.699	-15.043.683
	<b>Ingerlatsinermi angusat</b>	<b>31.120.930</b>	<b>29.431.135</b>
	Aningaasarsiornermi isertitat	180.318	140.820
	Aningaasarsiornermi aningaasartuutit	-13.975.503	-13.341.669
	<b>Akilaraaruteqannginnermi nalinginnaasumik ingerlatsinermi angusat</b>	<b>17.325.745</b>	<b>16.230.286</b>
3	Nalinginnaasumik ingerlatsinermi angusanit akilaraarutit	-4.331.424	-3.529.756
	<b>Ukiumi angusat</b>	<b>12.994.321</b>	<b>12.700.530</b>
<b>Angusat qanoq atorineqarnissaannut siunnersuut</b>			
	Angusat nuunneqartut	12.994.321	
		<b>12.994.321</b>	



# OQIMAAQATIGIISSITSINEQ

## 31.12.2022 killiffigalugu pigisat nalillit

31.12.2021 killiffigalugu pigisat nalillit	2022	2021
<b>DKK</b>		
Nassuiaat		
Illuutit	201.436.109	206.210.869
Umiarsualivimmi sanaartukkat	289.362.881	293.050.944
Sanaartukkat allat, ingerlatsinermi atortut pequtillu	43.857.077	48.130.494
<b>4 Sanaartukkanik pigisat nalillit tigussaasut</b>	<b>534.656.067</b>	<b>547.392.307</b>
<b>Sanaartukkanik pigisat nalillit</b>	<b>534.656.067</b>	<b>547.392.307</b>
Tunisanit sullissinermilu tunisanit aningaasat pisassat	1.174.443	1.255.185
Aningaasat pisassat allat	56.371	204.419
Piffissamut killilerlugit inissitat	460.507	255.768
<b>Aningaasat pisassat</b>	<b>1.691.321</b>	<b>1.715.372</b>
<b>5 Aningaasat tigeriaannaat</b>	<b>82.108.447</b>	<b>75.918.935</b>
<b>Kaaviiartitsinermi pigisat nalillit</b>	<b>83.799.768</b>	<b>77.634.307</b>
<b>Pigisat nalillit</b>	<b>618.455.835</b>	<b>625.026.614</b>

# OQIMAAQATIGIISSITSINEQ

## 31.12.2022 killiffigalugu akiitsut

31.12.2022 killiffigalugu akiitsut	2022	2021
<b>DKK</b>		
Nassuiaat		
Suliffeqarfiup aningaasaatai	100.000.000	100.000.000
Sinneqartoorutit amigartoorutilluunniit nuutat	51.457.428	38.463.107
<b>Namineq aningaasaatit</b>	<b>151.457.428</b>	<b>138.463.107</b>
Taarsigassarsiat akisussaaffittallit	103.600.236	109.354.031
2,59 % Senior Secured notes	316.708.942	336.464.143
<b>6 Akiitsut piffissami sivisuumi taarsersugassat</b>	<b>420.309.178</b>	<b>445.818.174</b>
Akiitsut piffissami sivisuumi taarsersugassat piffissami sivikitsumi taarsersugassartaat	25.508.994	24.932.312
Akileraarutit kinguartitat	17.185.617	12.854.193
Nioqutissanik pisiortorfiit sullissisullu	911.001	306.322
Akiitsut allat	3.064.807	2.604.017
Piffissamut killilerlugit inissitat	18.810	48.489
<b>Akiitsut piffissami sivikitsumi taarsersugassat</b>	<b>46.689.229</b>	<b>40.745.333</b>
<b>Akiitsut taarsersugassat</b>	<b>466.998.407</b>	<b>486.563.507</b>
<b>Akiitsut</b>	<b>618.455.835</b>	<b>625.026.614</b>
7 Akilersugassaasinnaasut		
8 Piginnittut		

# 2022-IMI NAMMINEQ ANINGAASAATIT NALUNAARSORNERAT

	Suliffeqarfiup aningaasaatai	Sinneqartoorutit amigartoorutilluunniit nuunneqartut	Katillugit
Ukiup aallartinnerani nammineq aningaasaatit	100.000.000	38.463.107	138.463.107
Ukiumi angusat	0	12.994.321	12.994.321
<b>Ukiup naanerani nammineq aningaasaatit</b>	<b>100.000.000</b>	<b>51.457.428</b>	<b>151.457.428</b>

# NASSUIAATIT

DKK

1	Sulisunut aningaasartuutit	2022	2021
	Aningaasarsiat akissarsiallu	5.557.556	5.240.743
	Soraarnerussutisiat	375.761	319.234
	Sulisunut isumaginninnikkut isumannaarinninnerit allat	62.661	60.743
	Sulisunut aningaasartuutit allat	145.163	106.821
		<b>6.141.141</b>	<b>5.727.541</b>
	Taakkunanga ingerlatseqatigiiffiup aqutsisuisa akissarsiaat		
	Akissarsiat soraarnerussutisiallu	1.431.172	1.361.872
	Aggornerisiat missingersuutigineqartut	121.000	226.600
	Qullersaqarfiup aningaasarsiai	1.552.172	1.588.472
	Siulersuisut	390.000	383.448
	<b>Aqutsisut aningaasarsiaat katillugit</b>	<b>1.942.172</b>	<b>1.971.920</b>
	Ulloq oqimaaqatigiissitsiffik killiffigalugu sulisut amerlassusaat	9	5
	Agguaqatigiissillugu piffissaq tamaat sulisut amerlassusaat	7	6
	Taakkunanga ilinniartut amerlassusaat	1	1

Qullersaqarfiup aningaasarsiaanut ilaapput aningaasarsiat soraarnerussutisiallu. Taakkua saniatigut qullersaqarfik akeqanngitsumik biileqarpoq, oqarasuaateqarpoq aamma interneteqarpoq, kiisalu ukiumut ataasiarluni akiliutsilluni angalasarpoq. Qullersaqarfiup atorfinitsitaanermik isumaqatigiissutaa ingerlatseqatigiiffimmit qaamatit 12-it piffissalerlugu kalerriinikkut aamma pisortaanermit qaammatit tallimat kalerriinikkut atorunnaarsinneqarsinnaavoq.

## DKK

2	Nalikilliliinerit nalinillu appartitsinerit	2022	2021
	Sanaartukkanik pigisanik nalilinnik tigussaasunik nalikilliliinerit	-17.278.266	-15.043.683
	Sanaartukkanik pigisanik nalilinnik tunisinermi iluanaarutit	-38.433	0
		<b>-17.316.699</b>	<b>-15.043.683</b>

## DKK

3	Nalinginnaasumik ingerlatsinermi angusanit akileraarutitt	2022	2021
	Akileraarutini kinguartitani allannguutit	4.331.424	4.057.554
	Ingerlatseqatigiiffinnut akileraarutit procentiata appartinneqarnerata kinguneranik akileraarutini kinguartitanik naleqqussaaneq	0	-527.798
		<b>4.331.424</b>	<b>3.529.756</b>

DKK	Illuliat	Umiarsualivimmi sanaartukkat	Sanaartukkat allat, ingerlatsinermi atortut pequtillu
<b>4</b>	<b>Sanaartukkanik pigisat nalillit tigussaasut</b>		
	Ukiup aallartinnerani pisiarinerani nalingi	236.297.090	63.921.576
	Illassutit	1.815.596	652.959
	Pigiunnaakkat	0	-128.000
	<b>Ukiup naanerani pisiarinerani nalingi</b>	<b>238.112.686</b>	<b>64.446.535</b>
	Ukiup naanerani nalikilliliinerit nalinillu appartitsinerit	-30.086.221	-15.791.082
	Ukiumi nalikilliliinerit	-6.590.356	-4.815.443
	Pigiunnaakkat	0	17.067
	<b>Ukiup naanerani nalikilliliinerit nalinillu appartitsinerit</b>	<b>-36.676.577</b>	<b>-20.589.458</b>
	<b>Ukiup aallartinnerani naatsorsuutitigut nalingi</b>	<b>201.436.109</b>	<b>43.857.077</b>

## 5 Aningaasat tigorianaanaat

Ingerlatseqatigiiffiup aningaasaataanit 15.100.000 dkr.-it sillimmatitut kontuni tiguneqarsinnaanatik uninngasuutigineqarput.

DKK

Akiitsut sinneri  
ukiut tallimat  
qaangiunnerini

Akiitsut sinneri  
ukiut tallimat  
qaangiunnerini

## 6 Akiitsut piffissami sivisuumi taasersugassat

2022

2021

Taarsigassarsiat akisussaaffittallit

80.583.203

86.337.741

2,59 % Senior Secured notes

231.615.700

253.831.633

312.198.903

340.169.374

## 7 Contingent liability

None Soqanngilaq

## 8 Piginnittut

Ingerlatseqatigiiffiup piginneqatigiit aningaasaliissutaasa 100 %-ianik taasisinnaasut imaluunniit naliviusut tunngavigalugit piginneqataasut tulluuttut nalunaarsorsimavai:  
Namminersorlutik Oqartussat, Nuuk

## SIULERSUISUT



Steen Smed Montgomery-Andersen Sikuki Nuuk Harbour A/S-imut siulittaasuvoq. Steen Kalaallit Airports A/S-imi CFO-tut atorfeqarpoq, siusinnerusukkullu KNI A/S-imi CFO-tut atorfeqarsimavoq aamma Tele Greenlandimi pisortaanerup tulliatut CFO-tullu atorfeqarsimalluni. Aningaasanik aqutsinerup aamma ataqatigiimmik aqqqissuussinerni suliniutinik annertuunik aningaasaliinerup, pilersaarusionermi aqutsinerup atassuteqarnerullu iluani tunuliaqutaqarpoq. Steen Sikukip siulersuisuini maaji 2020-mili ilaasortaavoq, maj 2022-imiit siulittaasutut. Tatigisatut inissisimaffiit allat: Kalaallit Airports International A/S-imi, Kalaallit Airports Domestic A/S-imi, Kalaallit Airports Holding A/S-imi direktør-itut atorfeqarpoq, kiisalu MI 6 ApS-imi siulersuisunut ilaasortaalluni.



Haukur Oskarsson imarsionermi suliffissuaqarnermi aamma uuliasioqatigiit gasisioqatigiillu iluanni tunuliaqutaqarpoq kiisalu suliniutinik aqutsinermik aamma aqutsinermik nalinginnaasumik misilittagaqarpoq. Haukur Oskarsson nammineq siunnersuinermi suliffeqarfiutimini Refskegg pisortaaneruvoq. Haukur, Sikuki Nuuk Harbor A/S-i decembari 2013imi pilersinneqarmalli siulittaasumut tullersortaasimavoq. Tatigisatut inissisimaffiit allat: Berjaya Iceland Hotels-it siulersuisuini ilaasortaq, aamma kalaallit islandimiullu niuernermut naapittarfianni ilaasortaq, kiisalu islandimi issittumi niuerneq pillugu naapittarfimmi ilaasortaq.



Heidi Ane-Marie Jeremiassen Kommuneqarfik Sermersuumi Paamiunut suliassaqarfimmi aqutsinermilu pisortaavoq. Kommunimi aqutsinerup aamma allaffissornerup iluani tunuliaqutaqarpoq. Maaji 2020-mili siulersuisunut ilaasortaasimavoq.



Ivalu Kleist Royal Arctic Line-mi COO-tut Underdirektør-itullu atorfeqarpoq. 2001-mit shippingimik ilinniagaqarsimavoq aamma Royal Arctic Line-mi ingerlatsinermi, sullissinermi aamma atorfinni umiarsualivimmu attuumassuteqartuni sulisimavoq. Siornatigut Royal Arctic Line-mi aamma Senior Director-itut CCO-tullu atorfeqarsimavoq. Maaji 2020-mili Ivalu siulersuisunut ilaasortaasimavoq.



Ujarak Rosing Petersen INUPLAN A/S-imi pisortaaneruvoq Kalaallit Nunaannilu ingeniøritut ingerlatsivimmi ilisimasat tunngavigalugit ingerlanneqartumi aqutsinermik misilittagaqarluni. Ujarak issittumi teknologi pillugu DTU-mi (2005) diplomingeniøritut ilinniagaqarpoq aammalu Business Institute-mi (2015) aqutsineq pillugu ilinniagaqarluni. Ujarak misilittagaqarpoq ingeniøritut ilusilersuinermik suliaqarnermik, suliat angisuut pillugit aqutsinermik, sanaartornermi aqutsinermik nakkutilliinermillu. Maaji 2022-mili Ujarak siulersuisunut ilaasortaavoq. Tatigisatut inissisimaffiit allat: Grønlands Erhverv-imi siulersuisunut ilaasortaq, aamma Ejendomsselskabet Issortarfik ApS-imi siulersuisunut ilaasortaq.

## QULLERSAQARFIK



John Rasmussen shippingimi umiarsuaatilerinermilu tunuliaqutaqarpoq kiisalu IMD-mi Schweiz-imiittumi Executive MBA atuarsimavaa. Umiarsualivinnik, containerillu aallarartinneqartarfianik tikiunneqartarfianillu, umiartornermik, shippingimik ingerlatsinermik, suliniutinik aqutsinermik, ataqatigiinnermut aqqqissuussinernik, isumannaallisaanermik aamma ajornartoornermi aqutsinernik atorfinni qaffasinnerusuni ukiut 35-t sulisimavoq. ilaatigut Sea-Land Svc. Inc. aamma Royal Arctic Line A/S-imi. John Kalaallit Nunaanni 1993-milli najugaqarsimavoq aamma Sikukimi oktobari 2016-milli pisortaanerusimavoq.



SIKUKI

NUUK HARBOUR A/S

